

瘍

醫

大

全

瘍醫大全目錄

卷十七

咽喉部

咽痛門主論附方

喉痺門主論附方

喉風門主論附方

喉癰門主論附方

喉癰門主論附方

喉齒門主論

喉疳門主論附方

喉瘤門主論附方

喉節門主論

卓雙蛾門主論附方

天白蟻瘡門主論附方

鎖喉瘡門主論

結喉疳門主論

梅核氣門主論附方

小兒聲啞門主方

音啞門主論附方

傷寒喉腫門主論

病人瘧後喉中乾痛門主論附方

骨鯁門主門

食醋噎喉門主方

瘍醫大全卷十七

蕪湖顧世澄練江氏纂輯

增錢之栢東陽

男 櫟燮用和

全校

咽喉部

凡一切咽喉癰疽風痺音啞皆彙於此部中以便檢閱
閱叅治

咽痛門主論

陳實功曰咽喉雖屬於肺然所致各有不同有虛火
實火之分緊喉慢喉之說咽爲心肺肝腎呼吸之
門飲食聲音出納之道此關係一身害人迅速虛
火色淡微腫脉亦細微小便清白大便自利此乃
思慮過多中氣不足脾氣不能中護虛火易於上
炎咽隘乾燥飲食妨碍咳吐痰涎呼吸不利斑生
苔蘚繫若蝦皮有如茅草常刺喉中又如硬物噎
於咽下嘔吐酸水歲出甜涎甚則舌上白胎唇生

砑色聲音雌啞喘急多痰以上現證皆出於虛火
元氣不足中來治此不可誤用寒涼上午痛者屬
氣虛補中益氣湯加麥冬五味牛蒡元參午後痛
者屬陰虛四物湯加知母桔梗元參黃柏如服不
效必加薑附以爲引導卽佐治之法也實火者醇
酒辛烈熱積於中久則火動痰生發爲咽腫甚則
風痰上壅咽門閉塞少頃湯水不入聲音不出此
爲喉痺緊喉風是也用藥不及事先用針刺喉間
發泄毒血隨用桐油餛飩採吐稠痰務使痰毒

出盡咽門得鬆湯藥可入語聲得出乃止內服清
咽初膈湯疎利餘毒如牙關緊閉難入必當先刺
少商穴出血其閉自開如針刺探吐無痰聲如拽
鋸鼻掀痰喘湯水不下語聲不出者真死候也難

治

正宗

又曰虛火得者名慢喉風實火得者名緊喉風

經曰凡喉閉不刺血喉風不吐痰喉癰不放膿喉痺
喉蛾不針烙此皆非法

岐天師曰如虛火沸騰於咽喉口齒間用寒涼之藥

入口稍快少頃又甚又用寒涼腹瀉肚痛而上熱
益熾欲用熱藥涼飲而病人不信不肯輕治乃用
外治之法引之而愈方用附子一箇爲末米醋調
成膏藥貼在湧泉穴上少頃火氣衰又少頃而熱
止退變成水涼世界然後以六味地黃湯大劑與
之則火不再沸騰矣蓋此火乃雷火也見水則愈
酷烈子不見雷霆之震濃陰大雨之時愈加震動
驚天轟地更作威勢一見太陽當空則雨歇聲消
寂然不聞矣又不見冬令之天地耶嚴寒霜雪冰

凍郊原雨雪霏霏陰風慘厲此天氣下行而地氣
反上蓋下熱則上自寒也又不見夏日之天地乎
酷日炎蒸蘊隆火熱爍木焚林燔湯沸水天氣上
升地氣下降此上熱而下寒也人身虛火亦猶是
也今旣火騰於上則下身冰冷今以附子大熱之
藥湧泉引之者蓋湧泉雖是水穴水之中實有火
氣存焉火性炎上而穴中正寒忽然得火則水自
沸溫水溫則火自降同氣相交必歸於窟宅之中
矣火旣歸於窟宅又何至沸騰於天上哉此咽喉

口齒之火忽然消除有不知其然而然之妙此引
治之巧又當知之者此卽外施引火歸原之法也
秘錄

戴氏曰硬舌根而爛兩傍此名纏舌喉風須用羊毛
筆蘸甘草湯洗之然後再吹藥

馮魯瞻曰咽喉者一身之總要水穀之道路也若胸
膈之間蘊積熱毒致生風痰壅滯不散發爲咽喉
之疾或內生瘡狀如肉腐窒塞不通吐嚥不下如
羊肉蛾雙肉蛾及疔腮腫脹甚者內外皆腫上攻

頭面治宜先吐風痰以通咽膈然後解熱毒清肺
胃遲則不救 錦囊

又曰咽瘡喉痛多屬虛熱血虛虛火游行無制客於
咽喉也虛者八味地黃湯加牛膝五味子煎與食
前冷服實者黃連荆芥薄荷薑汁硝蜜噙化喉痛
必用荆芥陰虛火炎上必用玄參有用茜草一兩
作一服者以其能降血中之火也

又曰喉與咽不同喉者肺皖呼吸之門戶主出而不
納咽者胃皖水穀之道路主納而不出蓋咽喉司

呼吸主升降此一身之緊關橐籥也經曰足少陰
所生病者口渴舌乾咽腫上氣嗌乾及痛素問云
邪客於足少陰之絡令人咽痛不可納食又曰足
少陰之絡循喉嚨通舌本凡喉痛者皆少陰之病
但有寒熱虛實之分少陰之火直如奔馬逆衝於
上到此咽喉緊鎖處氣鬱結而不得舒故或腫或
痛也其證必內熱口乾面赤痰涎湧上尺脉必數
而無力蓋緣腎水虧損相火無制而然須用六味
地黃湯加麥冬五味子大劑作湯服之又有色慾

過度元陽虧損無根之火游行無制客於咽喉者
須用八味腎氣丸大劑煎成米冷與飲引火歸源
庶幾可救此論陰虛咽痛者如此治法正褚氏所
謂上病療下也

又曰陰氣大虛虛火無制孤陽飛越客於咽喉遂成
咽痛者脉必浮大重取必瀉去死則近宜人參一
味濃煎細細飲之如作實證用以清降之藥禍在
反掌愚用人參必同童便製附子同煎溫和食前
頓服則監制虛火下歸乃愈如單用人參細細飲

之恐浮火益熾亦非穩當奈世人但知熱咽痛不知有寒咽痛也經曰太陽在泉寒淫所勝民病咽痛頷腫陳藏器用附子去皮臍炮製切片以蜜塗炙令蜜入內噉嚥其津甘味盡更易之仲景云下利清穀裏寒外熱脉微欲絕面赤咽痛以通脉四逆湯又曰冬月伏寒在於腎經發則咽痛下利附子湯溫其經則愈

又曰又有司天運氣其年鄉村相染若惡寒者多是暴寒折熱寒閉於外熱鬱於內切忌膽礬酸寒之

劑點喉反使陽鬱不伸又忌硝黃等寒劑下之反
使陽陷入裏禍不旋踵須用表散若甘桔湯之類
又曰有咽痛而諸藥不效者此非咽痛乃是鼻中生
一條紅線如髮懸一黑泡大如櫻桃垂掛到咽門
而止難以採取宜用土牛膝根卽諺
槌草獨條直而肥
大者搗碎入好醋三五滴同研取濃汁滴入鼻中
二三点卽刻系斷珠破吐出瘀血卽安

李東垣曰夏傷寒伏於腎少陰之經多咽痛者名腎
傷寒也宜熱藥冷飲之

陳遠公曰咽喉乾燥久而疼痛人以爲肺經之燥熱也孰知腎水涸竭乎夫肺金生腎水也肺氣清肅自下生水惟肺氣虛則肺液只可自養無如腎水大耗故欲救肺之乾燥必先救腎之涸也子母兩富湯熟地三兩麥冬二兩水煎服一劑燥少止三劑疼少止十劑全愈

水鑑

又曰生長膏梁素耽於酒勞心過度以致咽喉臭痛人以爲肺氣傷也誰知乃心火太盛移熱於肺乎夫飲酒傷胃胃熱薰蒸宜乎肺熱矣然胃火薰肺

而胃上實生肺也故飲酒而不傷肺惟勞心過度則火起於心而肺受刑矣胃火助之則火旺炎上而咽喉成燔燒之路自然唾涕稠粘口舌乾燥氣味腥臭而痛矣蓋心主五臭入肺爲腥臭矣解腥湯甘草桔梗麥冬貝母各五錢桑白皮天冬生地丹皮各三錢枯芩一錢水煎連服三劑痛止又四劑臭除

此方治肺而兼治心又兼治胃者也因膏粱之人心肺之氣血原虛下滋二經之氣血但瀉其火則胃之氣血必傷反增火之焰矣妙在補肺以涼肺補心以涼心補胃以清胃火自退舍不止喉痛而

痛自止也

醫論選要曰夫咽喉者一身之總要氣與食出入之門戶也咽以納氣故咽氣通於天喉以納食故喉氣通於地自其風邪客於喉間氣鬱而熱則壅遏而爲咽疼自其熱氣生於肺胃風毒蘊隆則腫結而爲喉痺又有尸咽穀賊之症尸咽者陰陽不和脾肺壅盛風熱毒氣不能宣通故令尸虫發動上蝕於喉或癢或痛如蠶之候也穀賊者稻芒強澁藏於米而誤食之滯於咽間不能傳化故風熱併

聚與血氣搏遂令腫刺如咽嗑之生穀刺也胃脘
實熱薰蒸上焦發爲白頭赤根固有咽瘡之候

寶漢卿曰呼者因陽出吸者隨陰入呼吸之間肺經
主之喉嚨已下言五臟爲手足之陰咽門已下言
六腑爲手足之陽蓋諸臟屬陰爲裏諸腑屬陽爲
表以臟者藏也藏諸神流通也腑者府庫主出納
水穀糟粕轉輸之謂也自喉嚨已下五臟喉應天
氣乃肺之系也以肺屬金乾爲天乾金也故天氣
之道其中空長可以通氣息但喉嚨與咽並行其

實兩異而人多惑之蓋喉嚨爲息道咽中下水穀其喉下接肺之氣一云喉中三竅者非果喉中具三竅則穀與氣各從一竅而俱下肺中肺下無竅何由傳送水穀入於下焦

全書

黃帝書云肺爲諸臟之華蓋藏直高之氣於肺經也故清陽出上竅濁陰出下竅若世人不知保養六氣七情役冒非理百病生焉病瘍旣成須尋所自若喉痺乳蛾纏喉風喉瘡喉痺風毒熱毒等症當刺則刺不可亂醫當吐則吐不可妄治此等症係

性命之根本生死立見不識其標本而攻之失其
法則禍不旋踵矣

丹溪曰咽喉者一身總要與胃相授呼吸之所從出
若胞膈蘊積熱毒致生風痰壅滯不散發而爲咽
喉之病喉內生瘡或狀如肉赤肉爲腫窒塞不通
吐嚥不下甚則生出重舌大法先去風痰以通咽
膈然後解其熱毒遲則有不救之患又有熱毒衝
於上腭而生瘡謂之懸癰及腑寒亦能令人咽閉
吞吐不利宜用解施法或曰治法視火微甚微則

正治甚則反治探痰出血隨所施治或於手大指
少商穴出血行氣衝達於外者必外敷以藥予嘗
以鷺翎蘸米醋綴喉中摘去痰涎蓋酸能收痰又
能消積血乳蛾而不散者以小刀就蛾上出血皆
用馬牙硝吹點咽喉以退火邪服射干青黛甘草
桔梗黃芩山梔大黃白礬牛蒡之類隨症佐利爲
方以散上焦之熱外所敷藥如生地伏龍肝韭根
皆可用若咽喉生瘡或白或赤者多血大率多是
痰熱先以桐油吐之後用甘草湯解桐油之氣

寶夢麟曰咽喉一科昔先太師公立論於前矣子豈敢復言乎獨坐細思又不容已也咽喉之症司性命出納氣飲之所深爲至重然飲食精氣之要路肺與大腸表裏之別臟腑上通咽喉下由大腸出入之門戶肺爲華蓋發蔭五臟死生之玄門也入穀則昌絕穀則亡朝生暮死暮生朝死須臾之間變症不一惟肺主金生生不已循環無端順則五臟華敷百關通暢此所謂養身之道也陽明燥金以致火尅而生疾矣咽喉之症從熱而係乎太陽

之標故推而治之可以解熱除毒祛風順氣則自然平金也丹溪以米醋攪口中以出痰酸以收之之義也愚見以爲太酸則燥先用黃蘗汁加玄明粉少許灌喉中以弔其痰次用酸水仍前加玄明粉灌之後用蜜湯潤之漸漸探吐其痰則咽喉開利矣復以冰片散滋之無有不效若纏喉風用前三法不能探吐其痰宜用生桐油灌之鵝翎攪之再用蜜湯潤之急服牛黃清心丸或豁痰丸以墜其痰旋以二陳湯加減服之無不愈者若喉中聲

出如雷噎食眼張天柱倒陷面黑唇焦鼻無氣息
目睛突出汗出如珠盧扁復生不能生矣然既患
咽喉口舌之症延及頸項頭面發腫紅如火光萬
不可療急用磁鋒砭去惡血用雞子清調乳香末
潤之立瘥再用芭蕉根汁潤之以解其毒若口舌
腫大紫黑急用針點去血隨吹末藥甚效予久以
此法行之頗活甚多故以此理論而發明之再俟
高明校裁勿罪迂謬幸甚

又云傷寒病四五日發熱鼻乾口燥咽痛者陽明自

病也陽明屬胃汗多則胃汁乾故津液不能潮咽而乾痛者宜用人參敗毒散主之

又云傷寒三五日咽喉中有腫其色鮮紅痰涎自出頭痛項強須知屬太陽經邪氣入於經絡觸動心間但積熱之毒攻咽則咽喉腫痛宜甘桔湯內加牛蒡子玄參生川連三味吹藥全前

又云傷寒八九日已上身無潮熱腹痛自利而咽喉痛者此太陽經受病也傷寒得汗已不解轉入太陰腹滿時痛自利而咽喉腫痛其色微白此症可

治用真武湯主之所謂真武者能補下元助陽正氣以手足和煖爲妙經云但要口中紅活有痰可治宜隨症加減用藥若口中黑則血已枯乾聲啞目上視汗出者不能治矣切宜仔細看症

又云傷寒八九日已上得汗已不散喉嚨痛舌乾唇燥者此少陰經自病也太陰經受病得汗後未解傳入少陰經少陰屬腎汗多則腎汁乾其腎水不能潮潤咽喉故其病也如自利腹中痛手足厥冷咽中腫痛不可吞嚥如無涎唾及舌上乾者不治

又云病人八九日已上身微熱無他症但喉中痛而無腥聲啞者不治

又云傷寒十餘日已上得汗已病解無潮熱脉平靜而咽喉痛者此餘毒上攻也宜用粘子解毒湯

又云陰毒傷寒身體重背強眼痛不堪任小腹急痛青黑毒氣衝心四肢厥冷惡心吐逆咽喉不利脉沉細若能速灸臍輪下六日之內全愈否則難生又云若傷寒十餘日已上病後煩滿咽喉痛舌捲而卵縮者不治

又云傷寒十餘日已上病不解傳變咽喉痛外症唇
青舌捲者此屬厥陰經受病也難治

又云咽喉乾痛無痰不治

又云咽喉痛而唇捲不治

又云咽喉痛而頭汗出不治

又云鼻中塞者不治

又云口中黑者難治

又云口中乾夜間潮熱不得睡臥時發譫語舉足妄
動者用十味人參散主之

又云若病人手足厥冷口唇搖動者宜用小續命湯
姜棗煎熱服

又云凡病傳咽喉右畔者乃餘毒未除急服牛蒡子
湯降氣湯加減治之

又云口中紅活吐得血又有痰涎息而清者不治

又云手足冷者不治

又云聲音不响喉中無腫乾痛者不治

又云手足冷不能自收頸低不能自舉眼暈暗者不

治

又云虛陽上攻上下不升降水火不既濟腰冷不知
痛癢口中痰多唇黑者不治

又云喉中如雷聲或噎食不治

又云面赤目睛上視不治

又云心胸緊滿吐痰不出不治

又云面黑頭汗出不治

又云自利不治

又云潮熱往來時發諸語不治

又云自利而喘不治

又云胸腹脹急不治

又云手足厥冷不治

又云心促四肢厥冷不治

又云心中怔忡胸前紅甚舌捲面赤目上視者不治

又云婦人胎前咽喉痛而脉浮者不治

又云男婦法則一般惟女人喉中有腫而色紅者此月經不調也經不能行則壅塞於上故咽腫痛也蓋由榮衛不和但男子以氣爲主女人以血爲主男婦各隨其氣血之分調治宜調榮湯可也如病

勢重其色微白脚者此虛陽上攻宜服降氣湯探痰吹藥全前婦人有孕心頭痛者不治

又云婦人傷寒身發潮熱咽痛者此經行也活人書云婦人傷寒經水適來晝則明明暮則謔語如見鬼神狀此乃熱入血室無犯胃氣及上二焦不可下也小柴胡湯主之今咽喉痛而潮熱往來面赤唇紅者此熱邪上壅也不用小柴胡湯宜用竹葉石膏湯清上膈除心煩所以爲妙次用四物湯又云喉中有瘡其色帶黃探痰同前用小刀點瘡上

出膿後卽吹冰片散宜用鼠粘子解毒湯

竇夢麟曰喉腫乃毒起於脾經因食煎燂油膩等物及飲酒太過而行房事以致毒氣不能流行聚結於喉根若不速治潰毒閉急卽死治法先用醋水蘸汁攪去痰涎再吹藥

又曰咽喉間生肉層層相疊漸漸腫起有孔出臭氣用臭狗楠葉煎頻服之而愈

汪省之曰虛陽上攻氣不升降致結患咽嗑痰涎壅塞治以蘇子降氣湯

理例

澄

曰咽喉之病近世最多者有數症曰單乳蛾雙乳蛾曰子舌脹木舌脹纏喉痺走馬喉痺其熱氣上行轉於喉之兩傍近外結腫以其形似是謂乳蛾一爲單二爲雙也其比乳蛾差小者爲喉痺熱結於舌下復生小舌名曰子舌脹熱結於舌中舌爲之腫名曰木舌脹木舌者強硬而不柔和也熱結於咽喉腫達於外且麻且癢腫而大者名曰纏喉風痺暴發痰涎湧盛水漿不入然名雖不同其證總不外乎手少陰君火手少陽相火爲病也二脉

併絡於喉氣熱則內結結甚則腫脹脹甚則痺痺甚則不通而死矣其危者可以鍼軟之而大者以辛散之如薄荷烏頭僵蠶白礬樸硝之類用之自可消除至於走馬喉痺則非此等所療以其生死只在反掌之間耳急救之法無如砭針出血血出則病已此上策也後之患者萬勿畏針以自斃其命後之君子萬勿執小方而曰吾藥不動臟腑又妙於不用針砭出血在小疾幸而獲愈而大疾必致死亡特爲拈出以告病者醫者勿自悞以悞人

也

又曰凡咽喉用針後有針創者宜搗薑塊和以熟白湯時時呷之則創口易合

王奎光曰咽喉爲人身飲食門戶呼吸關隘方寸之地受病危險其症甚繁大約總歸於火蓋少陰少陽君相二火其脉皆絡於咽喉故往往爲火症之所結聚君火勢緩則結而爲疼爲腫相火勢速則腫甚不仁而爲痺痺甚不通而痰塞以死經云二陰一陽結謂之喉痺火者痰之本痰者火之標火

有虛實實火因過食煎炒炙燂蘊結積毒其症煩
渴二便秘塞風痰上壅將發喉痺必先胸膈不利
脉弦而數治宜先去風痰後解熱毒虛火或因飲
酒太過或因忿怒或因色慾火炎上攻咽喉乾燥
必二便如常少陰脉微治宜補虛瀉火凡用藥不
宜純用寒涼取效目前上熱未除中寒復起毒氣
乘虛入腹胸前高腫上喘下瀉手足指甲青黑七
日以後全不進食口如魚口者死且治咽喉最忌
發汗針砭出血已寓出汗之意何堪更發其汗凡

傷寒於腎及帝中

名喉

腫者斷不宜針至如內傷虛

損咽喉失音無法可治

又曰喉症初起一日寒戰卽生發者發後身涼口不
碎又無重舌或二便俱利不可認作熱症皆因陰
氣虛寒而發其痰不可弔盡此痰卽身內之津液
所化與熱症乳蛾確舌之痰壅一處以流盡則毒
愈者不同若亦流盡則精神竭而心斃先宜藥吹
或用水換之法使喉一通卽便服藥初劑發散和
解第二劑卽施溫補滋養之藥設三四日再發寒

戰或心疼骨痛脇疼等症皆屬難治

又曰發時牙關緊閉舌喉俱腫口碎而臭或有重舌
及舌上有黃屑者發後下午再發寒熱二便閉塞
者卽作熱症用石膏敗毒散主之然亦易愈之症
如漸起三四日後而寒熱者雖極凶亦不爲害惟
有症未減而牙關反不緊閉唇口不腫紋如好人
者不治舌腫滿口者不治色如胡桃如茄子如砂
紙者不治或連重舌發寒熱者猶可治也舌以筋
按之若色雪白起筋卽紫紅色者此身內血已死

然口若臭猶或可生尤忌口渴氣急痰多而稠如
桃膠者死期已速

又曰一頸俱紅腫者亦極危也面帶紅紫面青帶白
神氣少者俱無救不語者死畧能語者尙有可生
之機面色少神喜坐低處者亦難治帝中喉也乃性
命攸關舌繫下通於腎白腫不治傷之者死

又曰凡喉症至五日卽重三日前症雖重尙未成膿
藥能清散若至五六日患處多成膿隨便穿破後
爛成窩爲難愈如爛用口疳藥多加龍骨珍珠

又曰凡喉非急症者一二日未必發熱病尙輕緩若至第三日發熱症必加重須問其大小便通利與否如二便利症候雖加不過浮火上攻服解毒消風消火之藥卽愈若二便不通利必內有實火非用降火解毒重劑及通利二便之藥火何從而出病何從而解亦須問其頭痛與否如頭痛卽兼傷寒難治凡喉症必俟大便去後方可望痊若大便秘結未可輕許

又曰凡喉症初起大便秘結宜大黃玄明粉通之則

大便降而易痊若至五六日久而不食大便結用
之立斃蓋病久元氣已虛豈宜再用硝黃當有善
法以處之

又曰凡患喉症者無痰不治

又曰凡喉症先碎者先吹長肉藥後吹碧丹

又曰凡吹喉症須吹藥四五管方得痰出三次可以
全愈其出痰初吹宜多用金丹必直對帝中重吹
之急提出管恐痰卽嘔出也

又曰婦人喉症腫痛有因經閉致火上攻而成者宜

內服通經藥月事通則愈

又曰凡喉中無形紅腫者當用燈心

又曰凡喉症凶者面發腫白亮無光彩脉微沉無力
是神氣外泄無陽之症斷不治若面發紅腫脉來
洪大有力症雖極重是有元氣火氣盛治之易痊
又曰凡吹喉藥醫家吹時氣須和平用管周遍爲
妙

又曰凡初起吹藥須令患者低頭流出涎痰

又曰凡吹喉症欲出涎涎藥中用皂莢末少許

傷寒論曰咽中閉塞不可發汗發汗則吐血氣欲絕
又曰咽喉乾燥者不可發汗

雲霄石

改換方

口瘡赤

用

珍珠

珍珠

珍珠

珍珠

珍珠

珍珠

珍珠

珍珠

珍珠

咽痛門三方

寶氏新增一切咽喉口舌等症神效方

牛膽硝

生黃連

黑山梔

生黃芩

白礪砂

各三錢

青

黛

水飛去
搗晒乾

青梅乾

藏存性

人中白

煨各五錢

雞內金

即雞肫內
黃皮

雄黃

各一錢

枯礬

二錢

各爲細末和勻加重麝香三分真冰片六分再

研和入小罐內用烏金紙塞緊罐口每用蘆管

超藥吹入患上一日夜吹十餘次徐徐流出痰

涎漸愈如有腐臭急用蚌水灌淨或用猪牙草
扁栝子和搗加水去渣灌淨前藥五錢加牛黃
二分銅青熊膽珍珠各五分兒茶八分研吹近
世喉科每每勒財下藥者多凡有力之家宜修
合施人以積子孫

附製牛膽硝法

冬月入樸硝在黑牛膽內掛在風處一百二十
日去皮收之

附製青梅乾法

大青梅一觔去核入白礬食鹽各五錢拌和再加
蜚蜒不拘多少層層間之一日夜取梅晒乾收
盡汁再晒乾煨灰存性用時加入

夏月宜服冷香薷其灌口用雪裡紅搗汁灌之
冰片散寶太師

直冰片

雞內金

燒存性

生甘草

枯礬

各一錢

黃連

玄明粉

黃栢

蜜炙

雄黃

各二錢

鹿角霜

一兩

硼砂

五錢

鈔

三張煨灰

靛花

二錢

各研細和勻吹口中氣臭加人中白煨三分銅

青暑煨不宜太過五分

紫雪

實太師

青

礬

不拘多少火煨通紅取出放地上出火毒

礪

砂

元明粉

冰片

麝香

研極細放舌下或喉間

雄黃化毒丸

實太師

芭荳仁

三十五粒

雄

黃

水飛

菜豆粉

甘草節

鬱

金

如無用蟬肚薑黃代之各一錢

研末醋糊爲丸黍大每服七九茶清下吐出痰
涎立醒未吐再服七九如人死者心尚熱研末
灌之

牛黃清心丸

寶太師

膽南星

一兩

防風

川黃連

雄黃

各二錢

五倍子

元參

天竺黃

桔梗

白茯苓

當歸

烏犀角

鎊

荊芥

各一錢

真冰片

珍珠

真麝香

各五分

輕粉三分

右爲細末和勻甘草膏爲丸如龍眼大辰砂爲衣日中曬乾入磁瓶內塞緊瓶口勿令出氣臨服用薄荷湯磨服一丸

冰硼散

母論新久咽喉口齒腫毒及久嗽痰火咽啞作痛

玄明粉

硼

砂

各五錢

硃

砂

六分

冰片

五分

研極細吹患上甚者日吹五六次

柳華散

治喉瘡及口舌生瘡走馬牙疳咽喉腫痛

蒲黃炒

黃栢炒

人中白煨

青黛各一兩

冰片五分

硃砂五錢

共爲細末吹喉極效

漱藥

山豆根

夏枯草

松蘿茶陳者

嫩菊葉

蘇薄荷各等分

煎湯頻漱

三黃解毒湯

黃連二錢

黃芩

黑山梔

黃

栝各一錢
五分

水煎服

清胃湯

生地

二錢

升麻

連翹

牡丹皮

黃連

水煎服

引火湯 雷真君

熟地

元

參

各一兩

白茯苓

五錢

白芥子

三錢

山茱萸

山

藥

各四錢

北五味

二錢

肉

桂

一錢

水煎服

生肌散

痧痘口瘡臭爛

黃連

土炒

地骨皮

黃

栢

五倍子

生甘草

各等分

楊醫大全

卷十七

咽痛方

素

顧氏秘書

研細乾摻之若仍有作熱作膿而不卽愈者乃
內毒未盡也仍用大連翹飲解之

二聖散

痧痘咽喉腫痛不拘初起回後

白殭蠶

二錢

苦

參

三錢

研細吹入三四次卽腫消痛止

敗毒散

疹後口臭口瘡唇爛咽喉疼痛

生地

一錢五分

桔

梗

連

翹

牛蒡子

天花粉

元參

金銀花

各八分

粉丹皮

柴胡

各七分

生甘草

三分

黃

栢

蜜水炒

薄

荷

赤芍藥

各五分

熟石膏

一錢

加淡竹葉一錢燈心五十寸全煎再加生犀角
磨汁和藥服每日用米泔水洗十餘次若不頻
洗又不服藥內熱熾甚則變走馬牙疳矣

喉間腫長如瓜蒂者不可刺破則傷人

鹽煨過研細以雞翎蘸搽即消

喉下諸般腫

蝸牛飛麴研勻貼腫痛

紫袍散

周錫仙

治咽喉十八種症

石青

青黛

硃砂

白礬砂

各一兩
人中白

煨
元明粉

膽礬

山荳根

真冰片

三分

共乳極細末磁瓶密貯急時用二三厘吹咽喉

卽愈

熱痛咽痛

童便三合含嚥

咽喉破爛

倒掛塵

陰陽瓦明煨七分

礬三分

研細吹

回生救苦上清丹

徐峩峩

治咽喉十八種急症如神

白殭蠶

焙存性一錢

生硝尖

煨硝尖

白礬砂

各五分

明礬

熟礬

各二分

瘍醫大全

卷十七

咽痛方

三

顧氏秘書

海螵蛸 三分

冰片 一分

共研極細末磁瓶收貯每用少許吹上吐去痰涎卽愈

咽喉危症

野蕎麥 春間初發紅嘴形類海棠六七月間可長四五尺其莖葉頗似海棠節有紅節葉大如掌

每採鮮葉搗汁入醋一匙以綿蘸掃涎出卽活

奎光秘傳咽喉口齒合藥法

玉丹 此宜預先多製愈久愈神

將明礬指頭大塊者入罐內放桴炭火上熔化

以筯試看罐底無塊時隨投火硝

如礬一兩下硝三錢爲則

礬砂

每礬一兩下礬砂三錢爲則

少頃又投明礬化盡又下

硝礬如前法逐層投完待罐口鋪地如馒头樣方用武火煉至乾枯用淨瓦覆罐口一時取起將研細牛黃少許用水五六匙調和以匙挑滴丹上將罐仍入火內烘乾卽取起連罐覆淨地上下以紙襯地上用瓦蓋七日收貯聽用

製黃栢法

揀好黃栢切片用荊芥穗爲君甘草佐之煎濃
汁浸軟攤瓦上緩緩炙黃不可令焦洒白蜜湯
晒乾研末聽用

製燈心灰法

取白色燈心先用水洒潮以厚筆管將燈心塞
令堅緊筆管兩頭用紙塞實入火緩緩燒過去
竹管塞紙開看如燒不過則生如燒太過則無
有矣製須得法爲妙

製猪牙皂角法

取堅小不蛀猪牙皂角放瓦上火炙脆去兩頭
研末磁瓶密貯聽用

製硝法

入金丹用者火硝以溫湯蘸過綿紙挹乾包好
放竈上洞內五六日收其濕氣 入玉丹內不
必如此

合碧丹法

每用玉丹 三分 配百草霜 半匙 研勻入燈心灰
一厘 甘草末 三匙 蘇薄荷葉末 三分 研極細然

後入好冰片

五厘多些更妙

再研勻入小磁瓶內勿泄

氣 此丹宜臨用旋合不可出三日不可過陰

雨天 春夏宜多加蘇薄荷葉末其色青 秋

冬宜多加玉丹其色白 欲出煖加皂莢少許

合金丹法

每用提過硝

一錢八分

入生蒲黃

羅細末四分

共研細次

下蠟燭末

一分

猪牙皂角末

一分

和研成淡黃

色加冰片

一分

再研

此藥可以久留冰片臨

用時加

按金丹功主消腫出痰並牙齦腫舌穿牙疔毒
端用此丹治之咽喉等症則兼用碧丹看症輕
重加減如症重者再加牛黃於本方內如喉
腫症及喉風加殭蠶牙皂輕症只用硝與蒲
黃蓋碧丹消痰清熱解毒驅風固爲良劑尙
屬平緩不如金丹消腫毒除風熱開喉閉出痰
涎最爲神效但喉症初起金丹不宜多用因其
能直透入內且善走散初起若多用之恐輕症
不勝藥力反扞格難入也

凡喉症及單雙蛾只用碧丹其他重症金碧兼之須分先後多寡初起碧丹九金丹一吹五管後碧丹八金丹二再吹碧丹七金丹三如症重者碧丹金丹各半用至三五次後痰涎必上湧然後金丹六碧丹四將管直入喉中重吹一次隨收出管卽弔出痰竟用金丹八碧丹二亦可膏滋藥法

蘇薄荷爲君 玉丹爲臣 川貝母爲佐 燈心灰百草霜甘草冰片爲使 先將玉丹百草霜研和後

入燈心灰再研再入薄荷甘草貝母研極細方
入冰片研蜜調服凡喉癰喉菌須時時嚙嚥之
症重則兼煎藥及吹藥

喉症主方

牛蒡子

炒研

前胡

連翹

炒

桔梗

黑山梔

瓜蒌根

枯黃芩

元參

甘草

或加金銀花 發熱加柴胡 頭痛加熟石
膏 口渴加麥冬知母 胸膈飽加枳殼
舊熱加芍藥貝母 水煎服

三黃散方

生地

爲君

蒲黃

爲臣

牛黃

爲佐

冰片

爲使

共

爲極細末用芭蕉根汁或扁柏葉汁和蜜調敷此藥治頭癰面癰如腫硬不消因氣凝血滯或痰塊結而不散則兼陰症矣宜用薑汁葱汁爲要兼治小兒丹毒

玉鎖匙方

巴豆壓油於紙上撚成條子點燈滅火以烟薰入鼻中一時鼻若流涕其關卽開

犀角解毒丸

犀

角

鎊一錢

桔

梗

一兩

赤茯苓

牛蒡子

生

地

各五錢

元

參

連翹

各六錢

朴

硝

甘

草

青黛

各二錢

共研極細末煉蜜爲丸如龍眼大薄荷湯化
下挾驚者硃砂爲衣此通治小兒諸瘡毒
及痧痘後餘毒喉齒等症

口疳藥卽兼長肉方

每薄荷

三分

配兒茶

一分五厘

製黃柏

厘許

龍骨

二厘

白芷

二厘五毫如腫痛卽用三四厘

甘草珍珠

各五厘

各研

細配合再研加冰片

三厘

再研勻入磁罐內凡

遇口碎及各種口疳用此若初腫起而熱甚者多用薄荷若不腫不甚熱病久宜用長肉爲主本方多加兒茶珍珠龍骨如色成紫及一切喉症碎者亦用此長肉如治走馬疳穿牙疔及重舌口疳初生小兒胎毒口疳本方中加牛黃倍珍珠無不奏效若黑而臭腐者不治小兒黃色

胎疳如乾橘蘗者不治 如治痧痘後口疳去
黃栢龍骨加牛黃倍珍珠各五厘多大抵遇極
凶症難效者或欲速愈見效加牛黃珍珠各五
厘多些更妙痘後疳非此不效餘症加之亦無
不神應

凡用碧丹看症凶險時冰片宜多加些將愈甘
草宜多加些

吹咽痛

壁蟾窩 二十個
橄欖核 三個

共於陰陽瓦上焙存性研細吹

冰梅

治咽喉百病

半熟大梅子

一百枚五月五日午時用食鹽朴硝各四兩水三碗入壚內浸梅子其水約過梅子三指浸一宿後

猪牙皂

如眉毛大者佳去核去弦

防風

甘草

白

礬各四兩

鮮南星

切片

鮮半夏

切片各三十枚

桔

梗二兩

研細拌入浸七日取梅晒乾又浸又晒以汁盡

梅上起白霜爲度磁瓶收貯凡用取梅一枚絲
綿包噙口內有水先嚥五六口後有痰涎吐盡
以口內無痰只有清水方去梅子可以食粥一
枚可治二病

赤麟丹

吳振華

治喉痺喉風喉蛾喉癰七十二症如神

用傾元寶罐一個入明礬二兩好血竭二錢於罐
內放巴豆仁二十一粒於礬內放炭火上煨令烟
盡冷定加白礬砂二錢水片一錢共研極細磁瓶

密貯每用少許吹之

喉痺門主論

陳實功曰喉痺咽喉腫痛半塞半開又寬又腫此乃標病雖重無妨用金鎖匙吐出痰涎利膈飲推蕩積熱 正宗

馮魯瞻曰喉痺者卽纏喉風類是也其候面赤氣粗咽喉腫閉乃蓄熱生風積聚毒痰而作甚者內壅肉瘤一塊氣閉不通若至鼻面青黑塞噎頭低痰膠聲鋸者不治更有藏寒亦能令人咽閉而吞吐不利者蓋諸症下寒過極則上熱反盛不獨此也

其候與蛾證相近而治法不能無異大抵無形腫
閉者爲痺有形腫痛者卽是蛾耳先吐風痰者急
則治其標也後解熱毒者緩則治其本也至於上
熱下寒者用熱藥食前冷服之不可誤服涼藥也
又曰經曰一陰一陽結謂之喉痺一陰君火也一陽
少陽相火也手少陰心脉挾咽足少陰腎脉循喉
嚨其人膈間素有痰涎或因飲酒過度或因忿怒
失常或因房室不節蓋飲酒過度胃火動也富貴
人多犯之忿怒失常肝火動也婦人多犯之房室

不節腎火動也男子多犯之火動痰上而痰熱燔
灼壅塞咽嗑之間痰者火之本火者痰之標火性
急速所以內外腫痛水漿不入乃外證之最危者
治癰之法急則治標緩則治本治標用丸散以吐
痰散熱治本用湯藥以降火補虛奈何治者但云
治脾肺火而未云降肝腎火也必須以內經從治
之法切不可驟用寒涼益促其危耳故實火須用
正治虛火須用從治須分明白不可少誤

又曰咽與喉會厭與舌四者同在一門其用各異喉

以納氣故喉氣通於天咽以納食故咽氣通於地
會厭管乎上以主開闔掩其氣喉令水穀能進食
喉而不錯四者交相爲用闕一則飲食廢而死矣
云喉痺者謂喉中呼吸不通言語不出而天氣閉
塞也云咽痛及噎痛者謂咽喉不能納唾與食而
地氣閉也云喉痺咽噎痛者謂咽喉諸病天地之
氣並閉塞也

按咽之低處爲噎

又曰咽在後主食喉在前主氣十二經中惟足太陽
主表別下項餘經皆內循咽喉盡得以病之而統

在君相二火喉主天氣屬肺金變動爲燥燥則清而閉咽主地氣屬脾土變動爲濕濕則腫而脹皆火鬱上焦致痰涎氣血結聚咽喉腫達於外麻癢且痛爲纏喉風腫於兩傍爲喉痺其單蛾雙蛾木舌舌脹纏喉走馬喉風病同於火故不分也惟纏喉走馬殺人最速

又曰喉痺多屬痰熱重者用桐油探吐纏喉風亦屬痰熱謂其咽喉裏外皆腫者是也亦用桐油以鷺翎探吐

又曰肺絕喉閉其脉浮散而微細其聲如鼯有如痰
在喉中響者此爲肺絕之候宜速用人參湯調入
竹瀝薑汁服之若早治者十全七八次則十全三
四遲則十不救一

又曰喉痺用陳年霜梅入蜥蜴令化每患喉痺等證
用梅噙於口中神效

錦囊

張子和曰治喉痺用針出血最爲上策內經火鬱發
之發謂發汗出血者乃發汗之一端也

醫論選要曰臟腑停寒寒則氣縮如物窒碍於其間

固有喉痺之證

又曰陰症下虛令人喉痺又當治其下寒則痺自通矣

又曰走馬喉痺者謂喉痺急甚其死又速藥緩不及救也惟針出毒血病卽時愈

寶漢卿曰或問風毒喉痺內外俱腫其故何也風毒之氣結於喉間則壅塞喉間乃風毒與痰相搏故也素問云無風則不動痰無痰則不受風風痰相搏結塞咽喉其外症咽喉形如雞子其色微白外

面腮上有腫其形似瘡身發寒熱牙關緊強語聲不出者是也先用薑汁加元明粉或蜜湯採取其痰急服荊防消毒散牙間腫處紫黑用小刀點破卽用水片散吹之無不效驗

全書

又云風熱喉閉內外俱腫者謂其人久積熱毒因而感風風熱相搏發出外來則壅喉間其人面赤腮腫身發寒熱喉中有塊如拳外血鮮紅先用玉字藥蜜調點之次用荊防消毒加減治之

又云如牙關緊強不得開者此皆風痰相搏壅塞咽

喉先用木針排開或黃蘗菜汁或溫蜜湯或醋水
俱入元明粉灌喉再用鵝翎攪之吐出痰涎幾碗
外用五倍子醋調敷之急服荊防二陳湯吹冰片
散

又云虛陽上攻由於久病元氣虛弱邪火上行咽喉
腫痛上下不升降水火不既濟心火衝喉故腫痛
而閉塞其形若何曰語聲不出牙關緊急痰涎滿
口手足厥冷頭目昏眩者是也治法如前

又云或厥重不省人事目張直視可用吳茱萸研爛

醋調塗兩脚心然後用降氣湯治之氣喘加前胡
烏藥氣短加沉香人參待手足溫飲薄粥以斂元
氣入穀則昌絕穀則亡此之謂也

又云如腮頰浮腫外面赤者此必感於風毒急用紫
蘇楓葉栢枝煎湯洗之外用荆防羌活湯以祛其
風或十宣散

又云酒毒喉痺乃酒毒蒸於心脾二經則壅咽喉其
人面赤而目睛上視者是也取痰法如前再用冰
片散吹之清涼散飲之

又云酒毒喉痺其形若雞子其腫鮮紅其光如鏡外
症發熱惡寒頭痛頸強此上焦積熱心脾受之蓋
心脾二經主上焦宜服粘子解毒湯

又云風熱喉痺由於憂思勞碌太過或對風言語風
入肺經作痰務多去痰爲要其色鮮紅久而紫赤
急用小銚刀點之或用蘆刀點之血微出火已瀉
矣再服煎劑並冰片散吹之甚效凡紫赤色者變
爲淡紅色愈之漸也

又云氣癰喉痺此症爲因聚毒塞於喉間痰涎稠實

發寒熱者仍分上中下三關毒在下關者難治上
中二關用吹藥吹喉茶湯送下雄黃化毒丸七粒
寶夢麟曰喉閉此症因外感寒邪內傷熱物或大寒
後便入熱湯洗故將寒氣逼入脾經冷氣阻於中
腕邪氣熱客於心經故生此疾急用三稜針刺手
腕中紫筋上或少商穴出血却將雄黃化毒丸冷
茶磨化灌之仍將冰片散吹入喉中待漱出風涎
稠痰爲愈

又云風毒喉痺外赤腫內腫微紅帶白色其形似蒸

餅連腮腫痛外症身惡寒而無熱腮頰浮腫牙關
緊強此乃風痰相搏結寒喉間治法必以去痰爲
主吹藥吹之若外面腫紅用圍藥敷之中留一小
孔再潤之以助藥力

又云風熱喉痺其腫紅而微紫其形如拳其人面青
而目上視外症壯熱惡寒儼若傷寒此病人久積
熱毒因而感風所致如病人聲音不響宜用潤肺
之藥治之

又云酒毒喉痺其腫黃其血黑其形若臂其腫若坎

外症面赤目睛上視此乃熱毒傷於心脾氣通於口循環上下故咽喉痛治法先取其痰再吹藥鼠粘子湯多加乾姜花粉生黃連山梔枳殼連翹桔梗元參

又云陰毒喉痺腫如紫李現黑色其色光血紅可治陰毒血黑不治外症惡寒其身攣動振腰痛脚冷此乃冬月感陰濕火邪相干也其血微紅及腫處軟喉中有痰可治血紅黑甚腫硬喉乾難治先服五福化毒丹次以蘇子降氣湯再吹藥一月之內

戒酒

又云傷寒喉痺乃傷寒遺毒不散致八九日後喉痺皆因熱毒入於心脾二經吹冰片散

錢青掄曰喉閉必先兩日胸膈氣緊出氣短促驚然喉痛手足厥冷氣閉命懸頃刻速用雞翎或鷺毛蘸桐油喉間攪探吐痰立開切忌牛黃入口不救如無藥或有藥不進者急將兩臂以手勒數十次取油頭繩裝大拇指以針刺指甲邊即少商穴血滴下其喉卽通只刺男左女右重者兩手齊針集單方全

丹溪曰喉痺屬痰屬風屬熱皆因鬱火而兼熱毒腫甚不紅者乃咽喉之虛症

聖光曰傷寒後發喉痺乳蛾難治爲氣閉不通無形無勢其症喉項強硬自睛上視故多不治

喉痺門主方

秘法

如初覺咽喉壅塞卽以紙撚取嚏或皂角末吹鼻中取嚏可散熱也

喉痺 錦囊

取山豆根汁含嚥卽開有藥不能進者急取病人兩臂捋數十次使血聚大指上以髮繩裝住拇指針刺指甲縫邊出血如放沙一般左右手皆然其喉卽寬

蜜附子法 三因

治感寒咽閉不能嚥

大附子一枚生去皮臍切作大片蜜塗炙令黃每
用一片口含嚥津候甘味盡再換一片含之以效
爲度

喉痺

鴨嘴膽礬研細醋調灌吐膠痰

喉痺雙單蛾

地骨皮陰陽瓦焙研細末蘆管吹入卽吐痰涎

喉痺乳蛾

蝦蟇衣

鳳尾草

搗細入鹽霜梅肉酒煮各少許和勻研布包絞
汁以鷺翎刷患上吐痰卽消

喉痺喉蛾急救方

烏梅肉包鼻涕重於內如元眼大絹包噙口內卽
愈

喉痺

壁

錢

卽蟪蛛窩七個
新瓦上焙用

礪

砂

五分

冰

片

一分

瘍醫大全

卷十七

喉痺方

墨

顧氏秘書

研細密貯先用土牛膝草煎湯漱口吹少許

喉痺雙單蛾

猪膽將糯米貫滿陰乾共搗爲末加水片乳極細吹三次吐痰愈

喉閉 周鶴仙

纏喉風急喉痺單雙蛾湯藥不下者

巴

豆

七粒以四粒燈頭三粒生用再以四粒燈頭主療存性

雄

皂子大一塊

爵

金

一箇如蟬肚大者佳

共爲細末每用一半清茶調服如口咽塞用

竹管吹入喉中須臾吐痰卽愈但能灌下無有不活者

凡患喉痺在窮鄉僻野藥石不便者

急將病人面朝上卧於地下令一人兩手探住頭髮兩腳踏其肩頭自散

又方

食鹽炒紅研末以竹管吹五六次吐出痰涎卽安
治喉痺乳蛾咽喉腫痛湯水不入死在須臾

巴豆去殼研末入北細辛少許同研捲在紙中間

成條剪斷用針穿一孔如患在左塞右鼻孔患在右塞左鼻孔左右俱患塞兩鼻孔咽喉立通

又方

牆上壁錢七個內要活螳蛛二個撚作一團再用生明礬七分一塊傾銀罐內化開將壁錢入礬內煨存性爲末竹管吹入立時就好雖將死者亦能復活忌食熱物硬物

又方

真蟾酥爲末用筋頭點入對嘴上即時消散

又方

白礬

黃連

猪牙皂角

各等分

全放新瓦上焙乾爲末每用五分吹入喉中少頃膿血卽出而愈

又方

青葙吹喉痺乳蛾如神

又方

膽礬

二錢

冰片

二厘

研勻吹上卽消

又方

生芝蔴油一合灌之

又方

韭菜地上挖取紅小蚯蚓全醋搗汁灌之卽吐痰血而愈

又方

枯白礬末吹入喉中急用燈盞內油脚灌之卽消

又方

馬屁勃研末吹咽喉立效

又方

蟻蠟虫取汁點入得下卽通

又方

泔牛角燒透爲末每服二三錢酒調服

又方

馬蘭草葉入香油少許搗汁點上卽消

又方

生韭菜搗敷頂上立效

又方

硼砂含嚥大能瀉熱利膈消腫清咽化痰

喉痺及喉中熱痛口生瘡

好雪梨取汁頻飲多食亦可

二生散

治喉閉並吹乳癰腫惡瘡

生明礬

生雄黃

各等分

研爲極細末 喉閉吹入吐出毒水日三次

瘡毒醋調或涼水調敷

喉痺喉風

兒茶

硼砂

膽

礬

各等分

共入鐵杓內熔化枯冷定刮下研細吹

喉痺

青魚膽

陰乾爲末收好

壁

錢

焙

秧根上螺螄

用尖

各等分研細吹之如吹三次不開關則無救矣

喉痺喉風壅腫

直殭蠶一兩葱一把煎湯洗項下風熱卽散然後

吹藥

喉風門主論

醫論選要曰纏喉風者熱結於喉腫達於外且麻且癢腫而大也治療之法微者可以鹹軟之大者可以辛散之或去風痰或解熱毒如腫甚藥不能下者以藥灌鼻中令吐之外以拔毒之劑敷之熱退腫消爲吉

寶漢卿曰夫纏喉風屬痰熱咽喉裏外皆腫者是也外面無腫者必身發熱面赤此乃熱毒之氣極也外面有腫者身亦發熱邪火發外之原也或牙關

不強外面不腫但喉中紅者曰暴感熱在心如左
邊病退傳右邊此餘毒未盡故也咽喉有數症有
積熱有風熱有客熱有病後餘毒未除變化雙乳
蛾者且如病中喉間有腫紅色數月其光似鏡者
此積熱也且如喉中有腫其色微白其形若臂者
此風毒喉痺也此熱毒因而感風相搏而發故也
或咽中有腫其色帶紫色者此乃客熱謂其人暴
感熱毒之氣壅塞喉間須用木通元參生地黃芩
黃連山梔仁瀉心經之火爲要或有傳變木舌者

皆心熱蘊積於胸中故口中痰臭服劑以涼膈爲
要搽藥以冰片散佐之或用小磨刀點之以出紫
血全書

又云纏喉風外症如蛇纏頸身發潮熱頭目大痛其
症腫如紫糖色內症其腫紅線白色腫塞不見咽
下吹藥內加雄黃水麝服荊防粘子二陳湯急用
鷺毛蘸燈窩濁油攪去痰涎三四碗方活如痰不
能去難生矣須要避風

又云啞瘡喉風乃風痰犯於咽膈之間因此口不能

言牙關不開急用蟾酥磨水滴入鼻孔卽開隨用
桐油滴入喉中仍將鷺毛攪喉間風痰出盡再用
甘草湯解桐油之氣吹藥更服荊防敗毒散如若
面紫舌青唇黑鼻流冷涕爪甲俱青目中多淚俱
不治

又云弄舌喉風此症啞不能言舌出常將手拿急將
兩手大指側爪甲縫用三稜針每指刺三針有血
可治無血不治若針少商穴亦妙用銅匙排開口
用膽硝丹吹入喉中燈窩內油脚再用鷺翎蘸攪

出痰涎仍服雄黃化毒丸七丸清茶送下後服踈風甘桔湯頻吹冰片散

寶夢麟曰纏喉風因腎經有熱內枯不能上潤致令心火強盛故發此症如喉間雷響者不可治切宜仔細

又曰噎食喉風此症因熱毒在於心經咽喉燥而無痰若噎食者不可治如久不治變爲飛絲勞毒能傷人命

又曰脚根喉風此症脚根發起至於喉間或一年發

一次半年發一次切忌熱物不得傷於怒氣其病
一日行一穴至七日行七穴雖然不妨只是要發
用吹喉藥仍服敗毒藥如腫惡發泡者死

一男子患纏喉風腫表裏皆作藥不能下余以疏風
清熱藥灌六十餘次外以陽起石燒研全伏龍肝
等分和勻新汲水調掃百遍三日熱始退腫始消
胡景周曰如用桐油探吐或吹藥吐痰後而腫不消
或人事不知者急用針刺患處以去惡血卽甦

奎光曰纏喉風因心中急躁而發先二日必胸膈氣

繫出氣短促忽然咽喉腫痛手足厥冷頸如攪轉
熱結於內腫擾於外且麻且癢喉內紅絲纏繞手
指甲白手心壯熱喉腫而大風痰壅盛聲如曳鋸
是其候也最爲急症初起一日夜目直視喉中如
雷聲者不治燈火近患人口吹滅者不治若喘急
額汗危在旦夕

又曰纏喉風者熱結於喉腫達於外且麻且癢也
又曰纏者自頤纏繞赤色寒熱也

又曰纏喉風初起用金丹碧丹等分頻頻吹之內服

煎劑下藥須兼牛黃

方載咽喉門

喉風門三方

纏喉風喉痺

此症胸膈氣急忽然咽喉腫痛手足厥冷氣閉不通

真礬金 一錢

明雄 二錢

巴豆霜 三分

研細水丸如芥菜子大每服十二丸用滾水些須送下如口噤喉塞用小竹管納藥入喉中須臾吐痰卽活

急喉風喉痺

端午午時取蜚蠊百條放瓶內候化爲水再用霜梅不拘多少浸在蜚蠊汁內三晝夜取梅曬乾復投汁內浸透又晒汁盡爲度磁瓶收貯每用一梅患者噙之

鎖喉風

萬年青搗汁和滴醋含漱卽愈

纏喉風

麻油調白礬末和雞子白灌之

緊喉風

燈窩油和漿水灌之

又方

土牛膝根搗爛和醋灌之

又方

針刺紅腫之處發泄毒血自愈

鎖喉風喉痺不能吞物數年不愈者

土牛膝草不拘多少扁柏葉一把

用井水浸透搗取汁大半碗加牛乳一酒杯和勻含吞數口二三次即愈

纏喉風神方活人甚衆

白礬細末五分烏雞子一箇調勻灌喉中立效
神效吹喉散

治纏喉風閉塞及乳蛾喉痺重舌木舌等症

蘇薄荷

淨葉

樸硝

枯白礬

青黛

白殭蚕

火硝

白硼砂

黃連

各等分

共研細末臘月初一日取雄豬膽七八箇倒出
膽汁以豬膽一箇拌上藥五錢爲率復灌膽殼

內以線紮好膽外用青紅紙包裹將地掘一坑
濶深一尺上用竹竿懸空橫吊再用板鋪以泥
密蓋候至立春取出掛風處陰乾去青紙膽皮
磁罐密收每藥一兩加水片三分同研極細吹
患上神效

金鑰匙

纏喉風喉閉痰涎壅塞口際不開湯水不下

焰

硝

錢一兩五

礪

砂

五錢

雄

黃

二錢

白僵蚕

一錢

冰

片

二分五厘

各另研和勻以竹管吹患處痰涎卽出如痰已
出腫痛仍不消急針患處去惡血服煎劑

又方

多年溺壺垢半盞蜜五匙灌下愈

又方

牽牛鼻繩燒灰吹之

又方

臘月初一日取豬膽不拘大小五六枚

黃連

青黛

蘇薄荷

僵蠶

白礬

樸

硝

各五錢

研細裝入膽內青布包好將地掘一孔方深一尺以竹橫懸此膽在內以物蓋定俟立春日取出待風吹去膽皮青布研末密收每吹少許

百靈丸

簡便

喉中結塊不通水食者

百草霜

研細煉蜜爲丸芡實大水化一九灌下甚者不過二丸

吹喉藥

秘方

硼

砂

雄

黃

三錢

兒

茶

一錢

冰

片

三分

蘇薄荷

三兩
另研

和勻密貯不可泄氣用蘆管吹入少許或用茶匙挑入舌上噙一刻嚥下日八九次若鎖喉風口內乾枯者以井水調灌卽能開闢生津若脾胃胃弱者不宜多用餘無禁忌

急鎖喉風

升麻四兩剉碎水四碗煎一碗灌服

又方

皂莢槌碎搗水灌服取吐卽不吐亦安

又方

巴豆去殼取仁綿紙微裹隨左右塞鼻孔中立通

又方

鴨嘴膽礬一塊含口中其痰涎自壅出吐盡卽愈

喉風口噤死在須臾

周鶴仙

膽

礬

五分半生半熟熊

膽

木

香

各三分

共爲細末用番木鱉磨井華水調和以鷄翎蘸

掃患處如勢急口噤用筋啟齒掃下卽消

時氣纏喉風咽喉閉塞水穀不下牙關緊急不省人事

雄黃

枯礬

藜

蘆

生用

猪牙皂

炙黃各等分

、研細每用荳大許吹入鼻內吐痰自愈

纏喉風痰涎閉塞

蛇蛻揉碎燒烟竹筒吸之卽破

又方

人指甲煨灰冰片五厘全研吹

又方

雄黃一塊新汲水磨急灌得吐而愈

又方

朴硝一兩細細含嚥

又方

桐油或燈蓋油脚以鷺翎掃入喉中探吐再用遠

志研末水調敷項外

敷喉痺喉風湯飲不下

皂角陰陽瓦焙研細末滴醋調敷喉外卽愈

奪命無憂散

治纏喉風咽喉疼痛痰涎壅盛口舌生瘡心腹
脹滿脾積癥塊小兒奶癖誤吞骨屑鯁塞不下
以及諸般藥毒熱盛喉閉涎滿氣急悶亂不省
人事並效

寒水石

煨三兩

玄參

黃連

貫仲

山荳根

荆芥

甘草

硼砂

滑石

砂仁

白茯苓

各伍錢

共爲極細末每用一錢乾摻舌上後以新汲水
嚥下不拘時服

白降雪丹

硼砂

一錢

熟石膏

一錢五分

焰硝

硝

膽礬

各五分

元明粉

三分

冰片

二分

研細吹

喉風

番木鱉

一個

冰片

二分

研細吹

又方

短頭髮五錢

雄黃五分

明礬一錢

蟾蜍窩三十個

共入罐內煨存性研細吹

又方

芭荳仁三尖粒
明礬三兩

全以大銀罐內煨枯冷定取粘巴荳的礬研細吹

喉風急救方

程崙友

生艾葉搗汁灌下如喉中壅閉不能灌入卽灌在鼻孔內立刻開闢

又方

用蛇床子燒烟薰喉中卽流涎開闢如神

十八般喉痺喉風咽蛾

用黃脚公雞取不見水雞肫皮以布揩淨陰乾粗紙包藏懷內俟乾燥乳細加冰片五厘吹之

喉癰門主論

王肯堂曰喉癰當結喉生又名猛疽以其毒勢猛烈可畏也屬任脉及手太陽手少陰經積熱憂憤所致若過時不治潰穿咽嗑者死

準繩

靈樞云癰發於嗑中名曰猛疽猛疽不治化爲膿膿不瀉塞咽半日死其化爲膿者瀉則合豕膏冷食三日而已

朱丹溪曰喉癰生於結喉之間名曰海門第一關最爲惡毒乃心肝火炎於脾肺毒氣攻喉切忌刀針

陳實功曰咽喉紅腫瘀塞作痛此屬標病膿出自愈
當以金鎖匙吐出痰涎推蕩積熱膿脹痛者開之
損而痛者益之其患自安

正宗

經曰喉癰不放膿治皆非法

蔣示吉曰喉癰生於咽外正中腫痛妨碍飲食紅腫
發熱如必欲潰膿軟而脹痛者針之內服補托之
劑玉紅膏搽貼其肌完口又有腐潰內通湯水隨
孔出者曾治數人俱亦無妨

說約

寶漢卿曰積熱喉癰其腫如黃糖李微黃上面紅絲

外症項上痛齒痛此胃經受熱胃氣通於喉嚨故
患喉癰患痰法全吹藥加元明粉煎藥加當歸黃

芪倍片苓

全書

又曰喉癰此毒因七情鬱結而成毒生喉間若不速
治恐毒氣內攻喉骨若潰必致口內出膿雖不傷
命卽成冷癭終身之痼疾也

汪省之曰喉癰雖腫而咽門半塞半閉其病雖凶而
喉道又寬又緊此皆凶症雖重無妨

理例

奎光曰喉癰因過食辛辣炙燂厚味醇酒感熱而發

屬肺喉間無形但紅腫而痛虛者亦發熱四五日可愈

又曰腫舌喉癰肥人感熱性躁者多患此凡舌下生如小舌者爲啞舌連喉腫痛卽發癰大抵兼者勢凶

又曰治喉癰用碧丹加金丹少許內服膏子藥煎藥方載咽喉門

又曰凡患腫舌喉癰如大便秘煎藥內加元明粉大黃小便不利內加六一散治之

又曰噤舌喉癰用加減犀角地黃湯舌用金丹吹舌
根及兩傍莫間斷 喉用碧丹十金丹一頻頻吹
之

喉癰門主方

治喉癰喉癰口疳

鳳

蛻

卽抱雞蛋殼燒存性

兒茶

橄欖核

燒存性各等分

共研細每一錢加冰片三分吹

咽喉懸癰舌腫塞通

外科秘寶

五倍子

白殭蚕

甘草

各等分

研末用白梅去核搗丸如彈子大噙嚥其癰自

破

喉癰門主論

書云喉癰卽肺花瘡

馮魯瞻曰陰虛咳嗽久之喉中痛者必有瘡名曰肺花瘡用坎離湯加元參桔梗甘草不可用冰片吹藥恐辛散瘡轉潰也

銀囊

陳實功曰凡痰火勞嗽咳傷咽痛者無法可治

正宗

汪省之曰肺花瘡卽俗謂喉生魚鱗刺也難救

理例

奎光曰喉刺多因先患癆病重症旣多虛入上升榮血已枯其喉上腭有紅點密密如蚊蚤咬者死勿

治

陳遠公曰人有生喉癰於咽門之內以至喉痛其症必先作癢面紅耳熱而不可忍後則嚙唾隨覺乾燥必再加嚙唾而後快久則成形作疼變爲楊梅紅瘰或疼或癢而爲癰矣夫癰必有虫在咽喉之地此因腎水之耗以致腎火上衝而肺金又燥兼治殺虫以治癰瘕幾正固邪散虫可盡掃也化癰神丹元參麥冬各一兩白蘚子白薇甘草紫苑鼠粘子白芥子各一錢百部三錢水煎服二劑疼少

止又四劑癰虫盡死換用潤喉湯熟地麥冬各一兩薏仁五錢桑白皮生地各三錢山萸肉四錢貝母甘草各一錢水煎服十劑癢痛俱除矣方中再加肉桂一錢饑服爲善後之計萬舉萬全也

辨證水鑑

奎光曰喉癰乃虛火上炎肺金太旺致攻牙關生如哥雀紋樣又如秋葉背後紅絲飲食阻礙噤痛雖不至殞命久則咽喉失音而不救

又曰喉癰用碧丹吹不時服膏子藥再服煎劑加大貝母下氣守戒一月愈

方載咽喉門

喉癰門主方

喉癰秘方

頭胎黃牛屎以新瓦洗淨蓋屎周圍用文武火煨烟盡存性研末將蘆管徐吸入自愈

又方

西牛黃

冰

片

各一分

大礪砂

兒茶

雄

黃

各八分

山荳根

二錢

膽

礬

三分

陳白梅

去核三

個研搗

共研末將陳白梅肉入藥和勻丸如龍眼大臨

臥含口內過夜卽消

喉菌門主論

聖光曰喉菌屬憂鬱血熱氣滯而生婦人多患之狀如萍萍畧高而厚紫色生於喉傍輕則半月二十日重者月餘要在治之得法患者守戒忌口

又曰喉困初用藥碧丹五金丹一後用金丹三碧丹三吹之更須頻服膏子藥兼投煎劑

喉疳門主論

申斗垣曰喉乃性命呼吸之門不可輕忽喉中起疳若不早治一二日間死生干係輕則緩重則急宜涼膈解毒啟玄

李東垣曰凡喉間作痛潰爛久而不愈此必楊梅瘡毒須以草薢湯爲主隨證佐以別藥

汪省之曰過橋疳生咽喉之下肺管之上看之不見吹藥不到飲食妨碍此楊梅結毒於肺胃也

理例

喉疳門主方

喉疳

啟玄

百草霜 一錢

兒茶 五分

冰片 一分

研極細每用五厘吹喉神效

喉爛

秘方

槐花 三錢

兒茶

黃連

懷牛膝 各一錢

右爲末夏月西瓜水調服冬月生梨汁服或丸

如葉豆大每服三九

喉爛

球

粉卽輕粉之細

硃

砂

三分

冰

片

一分

乳勻吹之奇效異常又可作眼藥點眼又可做

生肌藥長肉

喉疳口疳牙疳

降

香一錢

珍

珠

琥

珀

白

芷

各三分

沒

藥

去油

乳

香

去油

麝

香

五

倍

子

血

竭

各五分

冰

片

牛

黃

各一分

竹葉上吊掛蘭蠶連車

收取陰乾爲末

共乳細末吹之

咽喉結毒成疔久不收口

整蛇蛻

一條剪去頭尾壁

錢

七個

冰

片

三分

將蛇蛻壁錢陰陽瓦煨存性研極細吹

喉瘤門主論

竇漢卿曰喉瘤生於喉間兩傍或單或雙形如圓眼
大血絲相裹如瘤故名之此乃肺經受熱多語損
氣或怒中高喊或誦讀太急或多飲燒酒或多噉
炙燂須要斂神晏息以藥攻之則此症脫落矣不
可用刀點破

全書

心法曰喉瘤生於喉傍或單或雙亦有頂大蒂小者
凡怒氣喊叫犯之則痛不犯不痛

喉瘤門主方

消瘤碧玉散

礪砂

三錢

磨礬

冰片

各三分

研細以飭蘸點

喉節門主論

贊漢卿曰喉節此候生於鳩尾之中初起如梅核在
喉膈之間吐不出嚥不下至三日漸上喉節之間
名曰喉節其疾須用刺破後用膽硝丹吹入喉中
再用雄黃化毒丸吞下七粒

全書

單雙蛾門主論

陳實功曰單雙蛾皆標病也其患生於咽傍或單或雙其咽門雖腫半塞半開其病雖凶而喉道又寬又腫雖重無妨宜金鎖匙吐出痰涎推蕩積熱正經曰宜針烙

馮魯瞻曰單雙肉蛾可針卽針有不可針者亦用吹藥劫藥吐去風痰以圖捷效次服煎劑蓋急證難於久待也錦囊

又曰腫於咽兩傍者爲雙蛾易治腫於一邊者爲單

蛾難治如有惡寒表症用荊防敗毒散散之不惡
寒而無表症者惟有辛涼清利外用鵝翎蘸米醋
攪喉中去盡痰涎復以鵝翎探吐之令著實一咯
咯破蛾中紫血卽潰或紫金錠磨下卽安慎勿輕
用刀針古方有用巴豆油染紙作撚子點火吹滅
以烟薰鼻中卽時口鼻流涎牙關自開再用此搗
患處卽愈

岐天師曰有病雙蛾者人以爲熱也喉門腫痛痰如
鋸拽不絕茶水一滴不能下嚥豈非熱症然而痛

雖甚至早少輕喉雖腫舌必不燥痰雖多必不黃而成塊此乃假熱之證也若以寒涼之藥急救之下喉非不暫快少頃而熱轉甚人以爲涼藥之少也再加寒涼之品服之更甚急須刺其少商穴出血少許喉門必有一線之路開矣急以附子一錢熟地一兩山萸肉四錢白茯苓伍錢麥冬牛膝北五味各三錢煎服下喉一聲響亮其火勢熱證立時消散蓋少陰之火直如奔馬凡人腎水大耗者腎中元陽不能下藏蓋無水以養火而火必上越

也日日冲上而咽喉口小不能任其出入乃結成
腫痛狀似雙蛾實非雙蛾也方中妙在附子辛熱
之藥引龍雷之火下藏於窟宅失龍雷之火乃相
火也喜水而不喜火故藥中熟地山茱萸之類純
是補陰之味使火有所歸而不再沸此因其逆勢
而引導之也喜水而不喜火喜水者喜其真陰之
水也而非寒涼之水不喜火者不喜
邪熱之火也而非辛
熱之火

又曰日重夜輕治之尤易用山茱萸根桔梗各三錢甘
艸半夏各一錢治之一劑立愈

張仲景曰陰虛雙蛾之症用附子一錢鹽水炒成片
用一片含在口中立時有路可以用湯藥矣後以
八味地黃丸一兩白湯送下立時而愈

雷真君曰凡人有咽喉忽腫作痛生雙蛾者飲食不
能下五日不食卽死矣但此症實火易治而虛火
難醫實火世人已有妙方芩連之類治之立消惟
虛火乃腎火不藏於命門浮游於咽喉之間其症
亦如實火惟夜重於日清晨反覺少輕若實火清
晨反重夜間反輕實火口燥舌乾而開裂虛火口

不甚渴舌滑而不裂也以此斷之決不差錯此種
虛痛若亦以治實火之法治之是人已下井而又
益之石也故不特不可用寒涼併不可用發散蓋
虛火必須補也然徒補腎水雖水能制火可以少
差而火勢太盛未易制伏又宜於水中補火則引
火歸原而火勢頓除有消亡於頃刻矣方用引火
湯主之一劑而痰聲靜痛頓除腫亦盡消二劑全
愈蓋熟地山萸五味之類純是補腎水聖藥茯苓
山藥又益精而利水助肉桂之下行元參以消在

上之浮火白芥子以消壅塞之痰上焦既寬而下焦又得肉桂之熱則龍雷之火有不歸根於命門者乎一劑便生真有鬼神莫測之機又勝於八味地黃湯也倘喉腫閉塞勺水不能下咽雖有此神方將安施乎我更有法用附子一箇破故紙五錢各研末調如糊作膏布攤如膏藥大如茶鍾貼腳心中央以火烘之一時辰喉卽寬而開一線路可以服藥矣又不可不知此妙法也

又曰陰蛾之症乃腎水虧乏火不能藏於下乃飛越

於上而喉中關狹火不得直泄乃結成蛾似蛾而
非蛾也早晨痛輕下午痛重至黃昏而痛更甚得
熱則快得涼則加其症之重者滴水不能下喉若
作外感陽症治誤用山豆根芩連梔子之類則痛
益甚而關不開有不盡命而死者也惟單補陰虛
用引火歸源之法而痛頓失也治以化蛾湯主之
此方大補腎之水不治蛾之痛壯水則火息引火
則痛消可收全功誠奇絕之法也

活人錄

華真君曰雙蛾陰症最難治而最易治也不知其竅

則最難知其法則最易于常爲人治此證用附子一枚鹽一合水煮透令其口含一片而火勢立止然後以六味地黃湯大劑飲之不再發神方也

陳遠公曰人有感冒風寒咽喉腫痛其勢甚急變成雙蛾者其症痰涎稠濁不時口渴索飲疼痛水不能入喉此陽火壅阻咽喉勢若重而病實輕也夫陽火太陽之火也膀胱之火也膀胱之火與腎火爲表裏膀胱火動腎火卽來相助故直衝咽喉而肺脾胃之火亦復相從上升於是借三經之痰涎

盡阻塞於咽喉結成火毒而不可解治法似宜統治數經矣然其本實始於太陽泄膀胱之火則諸經之火自安但咽喉地近於肺太陽既假道於肺肺經險要之地卽狹路之戰場也安有舍戰場要地不解其圍而先擣其本國乎貴有兼治之法也清燥湯桔梗元參花粉各三錢甘草二錢白芍五錢山豆根柴胡麻黃各一錢水煎服一劑喉寬二劑蛾盡消矣

冰鑑

此方散太陽之邪者居四散各經之邪者居六尤加意於散肺邪者由近以及遠也

又曰人一時咽喉腫大作痛吐痰如涌口渴求水下
喉少快已而又熱索水喉成雙蛾既大且赤其形
宛如鷄冠此喉痺症卽俗稱纏喉風也乃陰陽二
火兼熾也一爲少陽相火一爲少陰君火今二火
齊發其勢更暴喉管細小火難遽泄遂遏抑其間
初作腫而後成蛾也蛾有二雙蛾單蛾也雙蛾生
兩枚兩相壅擠中間反留一線之隙可通茶水藥
食尙可下嚥若單蛾則獨形反塞住水穀之路往
往有勺水不能入者藥物旣不可嚥又從何路以

進藥哉法先用刺法一則刺少商等穴尙非捷徑
惟用刀直刺喉腫之處一分則喉腫必少消可用
吹藥開之吹藥方皂角燒膽礬牛黃冰片各一分
麝香三釐爲細末吹喉中必大吐痰而愈後用煎
劑名救喉湯元參一兩麥冬五錢花粉三錢甘草
山豆根射干各一錢水煎一服全愈若雙蛾不必
用刺法用此方自效

元參爲君足以瀉心腎君相之火佐以豆根射干
花粉祛邪消痰則火自歸經咽喉之關隘肅清矣
又曰咽喉腫痛日輕夜重長成喉蛾宛如陽症但不

甚疼咽喉自覺有一線乾燥之至飲水嚥入稍快
至水入腹而又不安吐痰如水甚多將涎投入水
中卽化爲水人以爲喉痛生蛾投瀉火之方不特
不驗反增其重亦有勺水不能入者何也蓋屬陰
蛾也陰蛾則日輕夜重陽蛾則日重夜輕此乃少
陰腎火下無可藏之地直上炎於喉也治法宜大
補腎水加入補火之味引火歸源下熱則上自寒
矣引火湯熟地三兩巴戟天冬麥冬各一兩茯苓
五錢北五味二錢水煎服一劑火下喉腫全消二

癰疽大全
劑全愈

此方以熟地爲君大補腎水麥冬五味重滋肺金
金水相資子母有滂沱之沛水旺足以制火矣加
入巴戟天之溫又是補水之藥則水火既濟水趨
下而水不得不隨之又加茯苓前導則水火同趨
共安腎宮如琴瑟之和矣何必用桂附大熱引火
歸源乎然桂附爲引火歸源之聖藥胡棄而不用
不知此症因水之不足而火沸騰今用大熱雖引
火於一時必耗水於日後所以只用巴戟天引火
而又補水則腎無乾燥
之虞喚有清肅之益也

醫論選要曰單蛾者其形圓小如筋頭生於咽喉關
上或左或右雙蛾則兩邊俱生也若生於關下爲
雄治

寶漢卿曰左咽軟主吞嚥右喉主出聲咽門分兩路

其受病不同 全書

又曰咽喉左畔虛陽上攻其腫微紅者名單乳蛾若肺氣外症手足厥冷痰涎自出頭重目昏急用藿菜酸汁加玄明粉灌之旋去痰涎吹藥如厥重不省人事氣欲絕者急以吳茱萸研爛醋調塗脚心右畔虛陽上攻其色微黃其形若蠶鹽故謂之乳蛾其症亦手足厥冷

又曰雙蛾風此症有兩枚在喉間兩邊如葇大急將

黃蠶汁蜜少許加玄明粉漱出風痰吹冰片散

奎光曰乳蛾有單有雙有連珠多因酒色鬱結而發單輕雙重初起一日痛二日紅腫三日有形如細白星發寒熱者四日勢定治之四五日可愈其症生於喉傍一邊生者單蛾左右生者雙蛾二白星上下相連如纏袋者連珠也

又曰治乳蛾先用碧丹五金丹一吹次用金丹二碧

丹三全吹出痰兼用煎劑左加犀角黃連右加赤

芍柴胡連珠兼用之大便秘加玄明粉大黃

吹藥丹方

詳載咽
喉門

心法曰乳蛾由肺經積熱受風凝結而成生咽喉傍
狀如蠶蛾有單有雙雙者輕單者重生於關前者
形多易見吹藥易到手法易施故易治生於關後
者難見形色吹藥不到手法難施故難治

又曰雙單蛾湯水不下看頭頂髮內有細窠挑破卽
刻開關

單雙蛾門主方

喉蛾

土牛膝

卽鼓槌草

取三四根搗汁加入乳和勻左邊蛾

滴右鼻孔中右邊蛾滴左鼻孔中雙蛾兩鼻孔俱滴吐出痰涎其毒立解重者滴二三次

又方

土牛膝搗爛醋浸取汁不時漱口重者滴入鼻中痰涎多者白礬研末飯丸每服一錢

又方

鮮菊花七朵煎漱

又方

青魚膽一箇納糯米七粒懸避陰處四十九日收
下單蛾用一粒雙蛾用二粒噙放舌下

又方

大蟒蜒不拘多少白鹽梅二箇冰片一分搗丸如
元眼核大噙口內化汁嚥下

又方

新艾葉絞汁和童便服

又方

醃白梅的瀘調綠礬點患上

又方

蛇床子瓶內燒酒薰之

又方

先從兩手臂將起將至脉門後將中指看中指下
節有紫筋現出爲度以線針挑去紫血卽可進飲
食矣

又方

白鹽梅一小瓶入大罍蜒虫百十條任其帶入如遇此症取梅煨研吹之以梅肉貼小兒惡癰並效

又方

取公鵝一隻以鵝嘴闔在患者口中得鵝氣自消乳蛾至危者

玉簪花根洗淨泥鬚搗化加白蜜少許和勻取汁挑三茶匙灌下忌見鐵器

雙單蛾

經過霜王瓜一條竹刀去蓋將瓢去淨用火硝明

礬各一兩裝滿蓋仍合上用竹箴扞緊懸放迎風背陰之所候王瓜外面生出白霜掃下加水片少許密貯每用少許擦之自消

喉蛾漫腫必須針去惡血湯水方可下咽可代刀針楊樹上楊辣子虫窩焙研細末用骨簪蘸點蛾上立刻其泡自破膿血自泄即可進食但點時只可點在泡上不可誤點他處亦不可多用

又方 胡學海

取大蜘蛛一箇入傾銀罐內上加生明礬三錢煨

枯加水片一分研細吹之毒水勿嚥下咽

又方

壁上蟪蛛白窩取下用患者腦後髮一根纏定蟪蛛窩將銀簪刺在燈上燒之存性爲末吹之

乳蛾急症也此方甚效有力者宜預製以救人

周鶴仙

臘月八日雄猪膽一箇裝入白礬末陰乾之後研末再入臘八日猪膽內如此三四次如遇患者用一二分吹之神驗

雙單乳蛾喉癰喉癰腫痛吐嚥不下命在須臾

周鶴仙

鳳凰衣

微火焙黃

橄欖核

瓦上火煨存性

孩兒茶

各等分

研爲細末每一錢加真冰片五厘吹之卽能進飲食極效無比

喉蛾

桔梗 四錢

甘草 一錢

金線吊蜚螋

牛蒡子

各三錢

玄參 二錢

水二鍾煎一鍾食後服立愈

喉蛾兼治口疳

阮氏秘方

杉木皮

煨存性

人中白

煨

粉兒茶

各三錢

珍珠

琥珀

蘆甘石煨

青黛

各一錢

大冰片

六分

研勻收貯吹喉疳喉蛾牙疳要吹至一錢立消
凡吹先用黃連甘草蘇薄荷松蘿茶各一錢煎
水漱淨再吹如蛾可用鵝毛管剪成長條如
菊花瓣樣夾在破開筋子頭上紮住刺患上出
血水再吹藥再看耳後左右如有紅筋以針
刺出血立愈

雙單蛾

火

硝

一錢五分

礪

砂

五分

冰

片

三厘

雄

黃

一分不用亦可

共乳極細每用三匙吹入喉中吐涎或從鼻孔吹入亦可

又方

鳳仙花子連根搗水吞下神效

又方

人指甲

不拘多少

明

礬

三錢

大蜘蛛

一箇

全入傾銀罐內煨研加水片一分吹之

乳蛾喉痺

蟾酥

草烏尖

猪牙皂

各等分

共研細水丸豆大每研一九點患上

乳蛾

將頭頂心髮上用生薑擦紅卽好

西瓜霜

治咽喉口齒雙蛾喉痺命在須臾

用大黃泥鉢一箇將西瓜一箇照鉢大小鬆鬆裝

入鉢內將瓜切蓋以皮硝裝滿瓜內仍以瓜蓋蓋

竹簽扞定再以一様大的黃泥鉢一箇合上外用皮紙條和泥將縫封固放陰處過數日鉢外卽吐白霜以鵝毛掃下收好仍將鉢存陰處再吐再掃以鉢外無霜爲度收好每用少許吹之

喉蛾

巴

荳

去油

遼細辛

各半分

研細用綿包好左蛾塞右鼻孔右蛾塞左鼻孔
喉蛾喉痺喉風並治發背疔瘡

烏龍爪

卽白花菜
取葉曬乾

每細末一錢加冰片三五厘研勻吹之 如發
背疔毒取葉搗爛敷上卽消

天白蟻瘡門主論

盛錫朋曰咽喉內生瘡鼻孔俱爛此名天白蟻瘡此
症方書不載多有不識常作喉風醫最爲悞事此
乃肺脾蘊毒而成宜用穿山甲散治之

天白蟻瘡門主方

穿山甲散

白霜梅

燒存性
一箇

枯

礬一錢

穿山甲炒

雄

黃

各五
分

其研細末吹喉中立效

鎖喉瘡門主論

竇漢卿曰鎖喉瘡者乃心經毒氣小腸邪風發於聽
會之端注於懸膺之側初生如癰瘰不能飲食閉
塞難通漸次腫破化膿早治得生宜服當歸連翹
之類用冰片散蜒蝥不拘加水麝搗搽

全書

結喉疽門主論

申斗垣曰喉氣通於天主氣息呼吸出入故肺氣得以宣通咽氣通於地主利水穀飲食得以容納內經曰一陰一陽結爲喉痺一陰者手少陰君火主於心一陽者手少陽相火主於三焦皆主脉並絡於喉氣熱則內結結甚則腫脹爲癰疽爲喉痺矣

啟

梅核氣門主論

陳實功曰梅核氣乃痰氣結於喉中嚥之不下吐之
不出如茅艸常刺作癢初則吐酸妨碍久則閉塞
不通卽此候也

正宗

馮魯瞻曰痰結塊在喉中如梗狀者梅核氣也宜噙

化丸

錦囊

金匱曰婦人咽中有如炙轡半夏厚朴湯主之炙轡
乾肉也咽中貼貼如有炙肉吐之不出吞之不下
此病不因腸胃故不礙飲食二便不因表邪故無

骨疼寒熱乃爲積寒所傷不與血和血中之氣溢而浮於咽中得水濕之氣凝結難移男子亦間有之藥用半夏厚朴湯乃二陳湯去陳皮甘草加厚朴紫蘇生薑也專治婦人七情之氣鬱滯不散結成痰涎或如梅核在咽咯嚥不下或中脘痞滿氣不舒暢或痰飲中滯嘔逆惡心並可取效蓋半夏降逆厚朴散結生薑茯苓宣至高之滯而下其濕蘇葉味辛氣香色紫性溫能入陰和血則氣與血和不復上浮也

梅核氣門主方

噤化丸

梅核氣服之神效

膽礬

礪砂

明礬

牙皂

雄黃

各等分

右爲細末紅棗煮爛取肉爲丸如芡實大空心噤化一丸溫黃酒一杯過口內服蘇子降氣湯

驗方

玫瑰花去淨心蒂浸火酒飲愈陳愈妙

噤化丸

痰結核在咽喉中不能出入

瓜蒌仁

杏仁

海石

桔梗

連翹

各一兩

朴硝

四錢

爲末薑汁和蜜丸如櫻桃大噤服之

小兒聲啞門主方

小兒聲啞不能言語當急治以此方如遲至十二三歲知識少開則難治矣

遠志

石菖蒲

酸棗仁炒

小柴胡

各一錢

草麻子

連殼每一歲用一粒

右爲細末用猪肝一箇竹刀剖作數層將藥摻入肝內紙包煨熟量兒大小白滾水服日服三五次至七日自能言語

小兒失音不語

經驗方

鼠蟄膽點舌尖上立效

音啞門主論

風火侵肺悞服寒涼生冷音雌者輕虛癆肺損音啞
難治

寶漢卿曰病人瘥後氣短及聲不出者皆肺氣不行
宜降氣湯多加前胡臨服加薑汁以佐之

全書

又曰病後聲啞不言此肺經受刑百無一生

馮魯瞻曰瘖謂有言而無聲故經曰不能言不能非
絕然不說之謂凡音出於喉嚨發於舌本因胎肥
大阻腎上行之經腎脉入肺循喉嚨繫舌本喉者

肺之部肺主聲音其人切切私語心雖有言而人不能聽故曰瘖肺腎子母之臟故云不必治若大全解作不語則爲心病以心主發聲也與子瘖了不相干若張子和有降心火之說馬玄臺有補心腎之言如果腎之脉絡絕則其病不治豈有產後自復之理乎故經云胞之絡脉絕此絕字當作阻字解也

又曰經云婦人重身九月而瘖者胞之絡脉絕也無治當十月復謂人之受孕一月肝經養胎二月膽

經養胎三月心經養胎四月小腸經養胎五月脾
經養胎六月胃經養胎七月肺經養胎八月大腸
經養胎九月腎經養胎十月膀胱經養胎先陰經
而後陽經始於木終於水以五行之相生言也然
以理推之十二經之脉晝夜流行無間無日無時
而不共養胎氣也必無分經養胎之理今曰九月
而瘖時至九月兒體已長胞宮之絡脉繫於腎經
者阻絕不通故間有之蓋腎經之脉上繫舌本脉
道阻絕則不能言故十月分娩後而自能言不必

加治治之當補心腎

又曰傷寒失音之源不一有因痰壅氣閉有因失血
驚恐有因邪熱衝心心氣耗損有因火燥陰傷不
能宣布然咽喉音聲如故而舌不能轉運者爲舌
瘡如舌能轉運言語而咽喉音聲則無者爲喉瘡
舌瘡多因於心腎喉瘡多因於肺胃

丹溪云乾咳嗽極難治此係火鬱之甚乃痰鬱火邪
在肺上以苦桔梗開之下用補陰降火藥不已卽
成勞宜重補養蓋肺爲華蓋五臟六腑火自內起

薰蒸焚灼水涸金傷若至久嗽聲啞是肺管破也
不治在初起者是寒包熱辛以散之

衍義云有婦人患熱久嗽身如炙肌瘦將成肺癆以
枇杷葉木通欬冬花紫苑杏仁桑皮各等分大黃
減半如常製蜜丸櫻桃大食後夜臥含化一九未
終劑而愈又有久嗽不已饑則胸中大痛須視上
唇有白點如柶者此蟲嚙其肺也以百部膏一味
加烏梅檳榔與服下其蟲則愈肺蟲其形如蠶令
人咳嗽聲嘶也

有嗽而聲啞者蓋金實不鳴痰火鬱於中也金破亦
不鳴肺氣傷於內也實則清之破則補之皆治肺
之道也又須知少陰之絡入肺中循喉嚨挾舌本
肺爲之標本虛則標弱故聲亂咽嘶舌萎聲不能
前以救本爲主亦有喉燥失音者古方用猪脂二
觔熬油去渣入白蜜一觔再煉成膏一匙一匙挑
服潤之有大聲喊叫喉破失音者不可作火治而
用涼藥須大補八珍加甘桔倍參芪作傷損治然
足少陰脉挾舌本而足太陰脉絡舌傍手少陰脉

繫舌本若三脉虛則痰涎乘虛閉塞其筋道而舌不能轉運言語也若三經血少不能營舌亦令人瘖故久病失血後及誤汗下後心家氣血衰不能鼓舌者並用獨參湯八物加減有痰加竹瀝

音啞門主方

清音噤化丸

久嗽咳傷肺氣聲音雌啞

黃栢蜜炙

麥門冬去心

當歸

白茯苓

熟地

生地黃

各一兩

訶子

真阿膠

天門冬

鹽水拌炒

知母

各五錢

烏梅肉

十五箇

人參

三錢

人乳

牛乳

梨汁

各一碗共熬稠膏

共爲細末和膏加煉蜜搗丸如芡實大每用一

丸仰臥噙化日用三丸如改作小丸每服一錢
訶子煎湯或蘿蔔湯送下

暴失音

公猪板油一觔入鍋先熬成油濾去渣入白蜜一
觔再煉少頃絹濾淨磁瓶內冷定成膏不時挑一
茶匙服之其音自清無疾人亦可常服潤肺滑肌
無故咽喉聲音不出名曰失音

橘皮五兩水三升煮一升去渣頓服

又方

皂

角一挺去
皮子

白蘿蔔

三箇
切片

水一盞煎半盞服之不過三服

久失音啞者

人乳

白蜜

雪梨汁

香椿汁

各四兩如無鮮香椿搗汁卽
用乾香椿芽爲末四兩代之

共熬成膏白湯冲服

音啞

礬砂一兩

元明粉

訶子肉

膽南星

各二錢

冰片

三分

百藥煎

三箇

瘍醫大全

卷十七

音啞

專

顧氏秘傳

右乳細用烏梅肉一兩搗如泥丸如龍眼核大
每用一丸噉化

久嗽聲啞

青蒿不拘多少童便煮服

發聲湯

渴飲凉水忽瘖啞不出聲

貝母

桑白皮

麥冬

各三錢

白茯苓

元

參

各五錢

枇杷葉

五片

百部

紫蘇葉

甘草

各一錢

水煎服三劑卽聲大出

傷寒喉腫門主論

馮魯瞻曰喉腫者有陽毒有陰毒如面赤脉洪或吐膿血是火氣上衝心肺受熱是爲陽毒如四肢冷而脉沉細是寒積於肺寒極生熱濕熱薰蒸此爲陰毒治陽以清肺化熱治陰用引火歸源

錦囊

病人瘥後喉中乾痛門主論

竇漢卿曰病人瘥後喉中乾痛者何皆腎水枯涸心火衝上耗散津液也 全書

病人瘥後喉中乾痛門主方

驗方 寶漢卿

人參

麥門冬

北五味

天門冬

杏仁

桔梗

生地

天花粉

生地黃

生甘草

水煎服

雙清丸

蘇薄荷

杏仁

桔梗

瘍醫大全

卷十七 乾痛

夏

顧氏秘書

砂仁

甘草

玄參

右爲極細末煉蜜丸芡實大不時嚙化

骨鯁門主方

驗方

砂糖葦靈仙同酒煎飲之自化

又方

赤芍藥管仲各三錢研末米糊丸放口內噙化嚥下

雞魚骨鯁

葦靈仙

五錢

砂仁

三錢

甘草

二錢

水一鍾煎一半入口噙漱入喉阿氣卽化

又方

活鯁一條同飛麴搗敷喉下卽消

又方

犬涎灌之其骨自化

又方

鳳仙花子

卽急性子
二十粒

白湯送下立效

又方

白茯苓

貫仲

甘草

各等分

其磨細末米飲調服一錢

骨鯁門主方

化骨訣

視由科

魚骨

鱖

猪骨

鱖

雞骨

鱖

竹木棒

鱖

左手三山訣持杯或茶或酒俱可右手劍訣向

東方

看何骨刺卽寫何字於鱖內如魚刺卽寫龍字於鱖內餘俱倣此

書符於

杯內再換印訣書雪山童子速降六字於盃內

口中默念吾奉

太上老君急急如律令勅與

被骨刺人吞之卽愈

又訣 祝由科

淨水一碗面東用食指於碗內書

電電電電電電

電電電電

此字如猪骨加虎字魚骨加龍字雞骨加狸字

呪曰水碗化為

東洋大海喉嚨化為萬丈龍潭九龍歸洞吾奉

太上老君急急如律令勅

又方

砂糖威靈仙同酒煎飲之自化

又方

赤芍藥晉仲各三錢為末米糊丸放口內噙化嚥

又方

橄欖核磨汁嚥

又方

象牙磨水頻嚥

又方

燈草燒灰以米糖如指大蘸灰置喉中勿令粘住
待糖化骨卽化下

又方

細茶五倍子等分爲末吹之

又方

勿令四眼見卽將筋倒轉隨便箝肉一塊急吞下

又方

大蒜一瓣切去大頭鰓在左塞右鼻孔鰓在右塞

左鼻孔

雞骨鰓

霜梅肉搥成指頭大丸子再將棉裹用線穿在內
冷茶吞下扯住線頭在手一嘔卽出

螺齧入喉

鴈延化鯁如神

麥芒入喉

鵝延灌之

飛絲八個連痛噎血

鯁骨鯁

生荳蔻葉嚼之愈

香油煎滾溫服之即吐出

骨刺先常鯁在喉中

多年舊鯁芭竹洗淨截斷煎湯飲之即下

竹刺入咽

王不留行

此味生能散瘀

煎服兩錢糯米圓即下

骨鯁喉中危急者

蛇床子三錢焙研細末紅糖兩許開水沖和以湯匙灌嚥下咽即化

秘傳骨鯁方

馬兜鈴

山土者

五靈脂三錢

紅芽大戟

五倍子各二錢

其研細用鴨涎狗涎全和丸如元眼大如馬骨

裏一條龍九頭十八尾問君喫何物專用此開水
連誦九遍今被鯁人飲之即愈
竹刺筍箒鯁在喉中

多年舊雞色竹截斷煎湯飲之即下
骨鯁喉中危急者

蛇床子三錢焙研細末紅糖兩許開水沖和以湯
匙灌燕下咽即化

化諸魚骨及竹木刺

淨水一碗用濃墨筆寫癆字化為龍行六字在

水上一氣飲，架末再寫一次服之，必化。

又方：以淨手寫一龍字在喉嚨上，寫一龍字在水碗內，呷下即化。

又方：大蒜一瓣切去大頭，縛在左塞右鼻孔，鯁在右塞左鼻孔。

竹刺八咽。

王不留行

此未性
能動

煎服，再吞糯米圓即下。

鯁用砂糖化服，一丸即化。

又方：白芍

二寸三
分長

橫咬口中即出，或切片細嚼燕

之即滴

雞骨鯁

生芋根搗汁飲之立化

雞鵝骨魚骨鯁

山查根燒灰存性研細吹入喉中三四次即下

又牙家椿樹上結的白苔如牛乳一箇箇垂下

昔用七粒搗水服其骨即從大便中出

又牙

草萊醋炒澤瀉

馬屁勃

為末砂糖調服即化

魚鯁

多食青菓

又方

又鯁時以自己筋子敲碗邊數下自愈

又方

芫荽搗汁和酒醋燕立立出

化鯁

指甲燒灰存性吹入喉中

食醋噙喉門主方

甘膽丸

治食醋噙喉哮喘不止諸藥不效

甘草

去皮二兩作二段用猪膽五箇浸三日取出火上炙乾

爲末蜜丸每服四五十九臨臥茶清送下